



ADRIATIC METALS BH: GRADIMO MOSTOVE ZAJEDNIŠTVA I INSPIRIŠEMO PROMJENE KROZ SPONZORSTVO I PODRŠKU

Kompanija Adriatic Metals BH prepoznaće važnost uzajamne podrške i izgradnje jakih veza unutar zajednice. Kroz svoj program sponzorstva i donacija, Adriatic Metals BH je postala ključni pokretač pozitivnih promjena u našem gradu. Sponzorstvo kompanije Adriatic Metals BH obuhvata široki spektar aktivnosti. Kompanija podržava lokalne sportske klubove pružajući novčana sredstva za sportsku opremu i sudjelovanje na natjecanjima. Također, kompanija je aktivno uključena u podršku talentiranim pojedincima u različitim područjima, kao što su umjetnost, znanost ili obrazovanje. Adriatic Metals BH je izuzetan primjer kako korporativna društvena odgovornost i podrška lokalnoj zajednici mogu unaprijediti kvalitetu života u lokalnoj zajednici. Zajedno s podizvodjačima, zaposlenicima i građanima, kompanija Adriatic Metals BH gradi mostove, stvara pozitivne promjene i inspirira druge da učine isto. Potaknuti našim primjerom, podizvodjač „City Transport“ se odlučio da sponzorira Nogometni Klub Vareš, Karate klub Vareš i talentiranu taekwondo sportistkinju Aminu Hrvat. Na sastanku održanom u mjesecu junu, između predstavnika pomenutih klubova i sportista, predstavnika „City Transporta“ i predstavnika Adriatic Metals BH dogovoreno je sponzorstvo. Vjerujemo da će Adriatic Metals BH svojim primjerom potaknuti i mnoge druge da slijede isti put i podrže lokalne sportske talente i klubove.



Slika 1: Sponzorstvo podizvodjača lokalnim sportistima



Slika 2: Kros takmičenje OŠ "Vareš"

TRČANJE KA SVIJETLOJ BUDUĆNOSTI: ADRIATIC METALS BH INSPIRIRA MLADE

Adriatic Metals BH s posebnom brižnošću posvećuje pažnju najranjivijim skupinama u našoj lokalnoj zajednici. Među njima, posebno su važni naši najmlađi i školarci. Vodeći se principima korporativne društvene odgovornosti, Adriatic Metals BH je odlučio uložiti sredstva i pomoći Osnovnu školu Vareš u organizaciji tradicionalnog "Krosa". "Kros" je tradicionalno natjecanje u trčanju koje škola organizuje i koristi kao odličnu priliku da se učenici i mladi potaknu na fizičku aktivnost i na razmišljanje o okolišu i zajednici u kojoj žive. Na ovaj način učenici obilježavaju i Dan Planete Zemlje i postaju svjesni koliko su zdrava okolina i aktivan način života bitni. Kroz druženje se učenici socijaliziraju i razvijaju kulturne i intelektualne kompetencije koje će ih služiti tokom čitavog života. Kompanija Adriatic Metals BH je uvijek spremna da sponzorira inicijative koje promiču korisne aktivnosti za mlade i pridonose njihovom pravilnom rastu i razvoju. Upravo su oni budući stubovi naše lokalne zajednice i društva. Školski "Kros" pruža priliku učenicima da razviju svoje sportske vještine, ali također i da nauče važne vrijednosti kao što su upornost, samodisciplina i timski rad. Ovi događaji promoviraju zdrav stil života, fizičku aktivnost i potiču učenike da prevladaju izazove i postižu svoje ciljeve. Adriatic Metals BH ima za cilj da upravo spomenute vrijednosti usadi u buduće naraštaje koji će nas povesti u svijetu budućnost.

POSJETA INTERNACIONALNIH STUDENATA KOMPANIJI ADRIATIC METALS BH

Adriatic Metals BH stavlja značajan akcenat i vjeruje u snagu razmjene znanja i međunarodne saradnje. Kompanija je sa zadovoljstvom ugostila grupu od 50 internacionalnih studenata i 6 profesora u sklopu partnerstva s Univerzitetom u Zagrebu i Europskim institutom za inovacije i tehnologiju (EIT). Tokom svoje posjete, studenti koji dolaze sa raznih kontinenata, imali su priliku da direktnim uvidom istraže rudarska nalazišta u istraživačkoj oblasti kompanije Adriatic Metals BH. Članovi odjela za geologiju su izdvojili svoje vrijeme kako bi se posvetili gostima te ih vodili kroz praktične aktivnosti, pružajući vrijedne uvide u rad, misiju, viziju i ciljeve kompanije Adriatic Metals BH.



Slika 3: Studentska posjeta kompaniji Adriatic Metals BH

POSJETA AMBASADORA KOMPANIJI ADRIATIC METALS BH – PROJEKAT VAREŠ VIŠE OD EKONOMSKOG ZNAČAJA

U mjesecu junu ambasadori Velike Britanije i Norveške u Bosni i Hercegovini, Julian Reilly i Olav Reinertsen, zamjenica šefa Misije u Ambasadi SAD-a u BiH Deborah Mennuti i direktorica Ureda EBRD u BiH Manuela Naessl posjetili su Adriatic Metals BH d.o.o. Njihova posjeta istakla je važnost direktnih stranih ulaganja u jačanju bosanskohercegovačke ekonomije. Generalni direktor kompanije Paul Cronin informisao je delegaciju o dinamici realizacije projekta Vareš, koji je prepoznat kao „Najveća strana investicija“.



„NAJVEĆA STRANA INVESTICIJA“

Slika 4: Posjeta ambasadora Norveške i Velike Britanije

Diplomate su sa detaljima Projekta upoznali mladi, talentirani i sposobni inženjeri iz različitih dijelova BiH, koji su dobili priliku da svoju karijeru razvijaju u svojoj državi po standardima rudarenja 21. stoljeća. Posjetitelji su prepoznali i očiti ekonomski preporod Vareša, podrškom načelnika Zdravka Maroševića, kao i lokalne zajednice.



“Projekat Vareš je više od ekonomskog uspjeha, on predstavlja obnovljenu budućnost za ovu općinu i njene građane, i ne samo Vareš već i šire područje” – kazao je ambasador Reilly.

Slika 5: Posjeta ambasadora Norveške i Velike Britanije

INTERVJU SA JASMINOM ŠIJK

Prije svega da Vas pozdravim i zahvalim što ste pristali na intervju u sklopu projekta „Living History Project“ kompanije Adriatic Metals BH. Za početak recite nam nešto više o sebi.

Rođena sam 11.07.1962. godine u mjestu Žunova, općina Olov. Završila sam Filozofski fakultet Sarajevo Odsjek za slavistiku. Radila sam oko 4 godine kao predmetni nastavnik u osnovnoj i srednjoj školi. Većinu radnog vijeka – 29 godina, provela sam na poslovima bibliotekara, od kojih sam 19 godina uporedno obnašala funkciju direktora Biblioteke Vareš. Živim samostalno i majka sam odrasle kćerke.

Koji je bio Vaš prvi posao?

Moj prvi posao bio je u Osnovnoj školi "Hasan Kikić" Solun, Olov, gdje sam radila kao nastavnik. Bilo je to u septembru 1987. godine.

Koja je vaša motivacija ostanka i rada u Varešu?

Glavna motivacija moga ostanka i rada u Varešu bila je udaja za Varešanina, a kasnije zasnivanje radnog odnosa u Vareškoj biblioteci, te želja da budem prepoznata kao osoba koja poznaje i voli posao kojim se bavi, te da kao takva budem prepoznata i u sredini u kojoj živim i radim.

Koje su bile Vaše aspiracije pri upisu studija?

Pri upisu studija moje aspiracije su se, uglavnom, odnosile na odabir bavljenja radom u društvenom sektoru, te raspolaganjem znanjem i vještinom davanja informacije, da unaprijedim život u sredini u kojoj živim. Također sam se rukovodila i odlukom da, kao odrasla osoba, budem ekonomski nezavisna i u poziciji da o svom životu odlučujem samostalno.



Koliko danas biblioteka ima članova i kakva je posjećenost iste?

Biblioteka danas broji oko 1200 korisnika, a dnevna posjećenost je između 10 do 15 korisnika, različitog uzrasta i zanimanja. Učenička populacija je najbrojnija što se tiče vrste zanimanja i uzrasta.

Koja dobna skupina preovladava među članovima i koji žanr je najčitaniji?

Kada su dobne skupine u pitanju, zastupljeni su, uglavnom, školski i srednjoškolski uzrast, zatim odrasli i penzioneri. Najčitaniji žanr su romani, zatim je tu poezija, a onda i školske lektire, te knjige na stranim jezicima a tražene su i knjige iz oblasti: medicine, matematike, umjetnosti, religije, zatim knjige općeg znanja.

Koji su načini za podizanje čitalačke motivacije i kako vidite ulogu biblioteke u tome?

Kada je u pitanju čitalačka motivacija i njeno podizanje, uloženi su naporci da se ostvari što bolja saradnja s korisnicima u cilju praćenja njihovih potreba za određenim oblastima i naslovima. Nabavna politika je u interesu čitalaca i njome se bave zaposlenici zaduženi za rad s korisnicima. Stalnim preporukama o pročitanim naslovima, nastoji se podići motivacija korisnika za što ćešćim posjetama Biblioteci. Posebna pažnja je usmjerena ka mladim naraštajima.

Koji su značajniji projekti koje je biblioteka provela i da li trenutno radite na nekom?

Brojni su projekti koje je Biblioteka realizirala. Posebni su oni koji se odnose na obnovu bibliotečkog fonda, tehničku opremu, police, namještaj, centralno grijanje i softvere. Zabilježena su brojna ulaganja od vladinog i nevladinog sektora, uključujući i ulaganja Adriatic Metals BH, čijim sredstvima je Biblioteka uspjela ostvariti svoju ulogu koju ima u zajednici, a to je ustanova od općeg interesa za građane i njihovoopće obrazovanje i informiranost. Trenutno radimo na albumu iz lista Kolektiv 1956/1990, kojeg smo nazvali "Crno-bijela ostavština Vareša".

Možete li napraviti poređenje Vareša nekada i sada, kako je Vareš izgledao na vrhuncu svoje moći?

Vareš nekada i sada su dvije slične knjige različitog opsega. Prva je "Vareš nekada" viđena kao slika industrijskog giganta, koji je za privredu Jugoslavije obezbjeđivao sirovinsku bazu za crnu metalurgiju i drvnu industriju, čime je grad Vareš postao bogat, moderan i savremeni grad sa preko 25000 stanovnika. Danas je to "Vareš sada" u kojem je ispod 10000 stanovnika, a privreda i opća ekonomска moć su svedeni na minimum. Svjetla tačka današnjeg Vareša je dolazak kompanije "Adriatic Metals BH", gdje je mlađi, školovani kadar Vareša i okoline video svoju šansu za posao.

Da li je neko od članova Vaše porodice ili rodbine radio u prijašnjem Rudniku u Varešu?

U prijašnjem "Rudniku olova, cinka i barita Vareš", od moje rodbine i prijatelja, radio je kao tehnički direktor Rudnika dipl.ing. Hazim Pašić. On je bio rodom iz sela Žunova-Olov i moj rođak po ocu. Školovao se u Tuzli, zatim na Univerzitetu u Beogradu, gdje je bio student generacije.

Koliko se i da li se davalo značaja zaštiti okoliša i poštivanju zakona te oblasti tijekom rada Rudnika i Željezare?

Po mojim saznanjima, mnogo se polagalo na zaštitu okoliša u dijelovima, gdje su vršena ispitavanja i eksploracija rudnog bogatstva. Neprestalno su bili angažirani timovi stručnjaka kako se ne bi narušila prirodna ravnoteža biljnog i životinjskog svijeta, a o ljudskim resursima je na poseban način vođeno računa, da ne bi neke od aktivnosti rudnika uticale na zdravlje ljudi tih područja. I tada su postojali zajednički odbori koji su koordinirali u oblasti zaštite lokalnog stanovništva zbog blizine rudnika i rudokopa.

Koje je Vaše mišljenje o današnjem razvoju Vareša i koje promjene očekujete u bližoj budućnosti?

Današnji razvoj Vareša vidim u nekoliko pravaca. Kao prvo, dolazak kompanije Adriatic Metals BH i s tim u vezi ponovno otvaranje rudnika, a time i mogućnosti zaposlenja mladih s ovoga područja. Time bi i ekonomска moć grada bila neuporedivo jača, kao i otvorenost ka svijetu. Vremenom bi se pojavili i drugi ulagači u varešku privredu, što bi ovaj grad ponovno svrstalo u važne privredne centre u zemlji.

Smatrate li da će Vareš ponovno doživjeti svoj procvat?

Procvat grada je evidentan. Već se vide značajni pomaci u dnevnom prometu saobraćaja, prisustva radnika, također i onih koji nisu Varešani. Nešto se pokrenulo u gradu, a to znači da je neko prepoznao potencijale ovoga grada, koji ne zaslужuje da bude samo dio povijesti. U njemu se i dalje živi, stvara i vjeruje u budućnost.

Za kraj našeg razgovora, imate li neku poruku za mlade ljude iz Vareša?

Mladima Vareša poručujem da se školju. Neophodno je posjedovati znanje da bi bili prihvaćeni u društvu. Posjedovanje znanja je temelj za status u društvu, a moral i poštivanje društvenih normi ponašanja, te svestranost u sportu, muzici, umjetnosti i sl. zanimanjima izvan primarnog je neophodni bonus, koji trebate posjedovati, da biste bili nezamjenljivi, neophodni, kako u svom poslu, tako i u društvu.